

## ZAPÓSLANE

**Serbšćinu w šuli měli skónčnje připóznac!, to žada sej Měrcin Krawc w Delnjeho Wunjowa:**

Tež w dobrej akcije „Sorbisch? Na klar.“ mamy přeco hišće situaciju, zo njeskići wučba serbšćiny šulerjam, hač maćerno-rěčnym abo nic, žanu nadhódnotu w zmysle na příklad připóznawanja za abituru. Hodžiny serbšćiny su na mnohich šulach přeco přidatne, často zady připójsnjene.

Po tym zo buchu we Witaj-pěstowarnjach nastupajo přiswojenje rěče dobre zakłady wutworjene, předewšěm w přewažnje němskorěčnych kónčinach serbskeho sydlenkeho ruma njemało džěci abo jich starši wučbu serbšćiny hižo do abo w běhu časa na zakładnej šuli wotwoleja. Druhdy to činja, dokelž zdawa so přidatne počezenje serbšćiny dla njezmištrujomne, hdyž tež přez druge předmjety hižo hranicu svojich wukonow docpěwaja. Tamnym pobrachuje prosće motiwacija, zo bychu za to sport abo wólny čas woprowali. Wšako je to za wone džěci w tym wokomiku cuza rěč, kotruž móža z přecelimi, staršimi, wowkami a džědami lědma nałožować.

Statistisce widžane pomjeńša so ličba cuzorěčnych šulerjow-serbšćinarjow hi-

žo za čas zakładneje šule wo třecinu, w někotrych šulach nimale na nulu. Potom so ličba rozpočła, a to po wšitkich šulerjach inkluziwnje serbsko-katolskeje jadroweje kónčiny zličene! Příčina mjez druhim je, zo faktisce nimale žane džěci z cuzorěčneje wučby na zakładnej šuli do dale wjeduceje wučby serbšćiny nje-přeńdu. To je wobžarujomny staw. Ale hodži so tomu zadžěwać? Wuhlad, serbšćinu pozdžišo raz, na příklad za maturu, wobličomnje dale wjesć móc, móhl rozsudny argument być, čezki čas w zakładnej šuli wutrac. Bychu-li, přez to posylnjene, ličby porno aktualnemu položanju w dalokej měrje stabilne wostali, by to njesměrnje wažny přinošk k zachowanju, haj wožiwjenju serbskeje rěče było: A to džě je hłowny zaměr nas wšěch!

Cyle hinaša dimensija tči w politiskej hódnoće. Bychu-li serbšćinu w šuli přiličili, by wona připóznata na samsnej runinje z mnohimi druhimi europskimi rěčemi była, město toho zo wostanje w tym nastupanju dale deklasowana.

Sym so z kubłanskim wuběrkom Serbskeho sejma a z krajnym džělowym kołom SPD „Serbja“ kaž tež zhromadnje z akterami tamneju koaliciškeju stronow při koaliciških jednanjach w Sakskej za tele wysoke hódnoćenje serbšćiny zasa-dźa, a w koaliciškim zrěčenju je zapisa-ne, „serbšćinu jako poľnohódnou druhu

cuza rěč připóznac“. To je wulki wuspěch a nětko leži na nami, zo na jeho zwoprawdženju wobstawamy.

Zdžěla su hišće wobmyslenja ze stron serbskich šulow a serbskorěčnych wsow, hdžež su wuměnenja a swět motiwacijow logisce tróšku hinak zapoložene. A wězo steji přeco problematika napjateho položanja nastupajo wučerjow w rumje. To wšo pak njeměli zadžěwki być. To mamy mjez sobu spěšnje rozjimać a wujasnić, zo njebychmy mjenowany potencial aktualneho sakskeho koaliciškeho zrěčenja za wožiwjenje serbskeje rěče w mnohich lužiskich kónčinach njewužiwany spusćili.